

前漢書

冊三

書畫書

卷一

前漢書卷九十六上

漢

蘭

臺

令

史班

固撰

唐正議大夫行祕書少監琅邪縣開國子顏師古注

西域傳第六十六上

師古曰自烏孫國已後分為下卷

西域以孝武時始通本三十六國其後稍分至五十

餘

師古曰司馬彪續漢書云皆在匈奴之西烏孫之

至于哀平有十五國也

南南北有大山中央有河東西六千餘里南北千餘

里東則接漢隄以玉門陽關

孟康曰二關皆在敦煌西界師古曰隄塞也

西則限以葱嶺

師古曰西河舊事云葱嶺其南山高大上悉生葱故以名焉

東出金城與漢南山屬焉

師古曰屬聯其河有兩原也音之欲反

一出葱嶺山一出于闐

師古曰闐音徒賢反又徒見反

南山下其河北流與葱嶺河合東注蒲昌海蒲昌海

前

漢

書

卷九十六上

列傳

一

中華書局聚

一名鹽澤者也去玉門陽關三百餘里廣袤三百里

師古曰袤長也音茂其水亭居冬夏不增減皆以為潛行地下

南出於積石為中國河云自玉門陽關出西域有兩

道從鄯善傍南山北波河西行至莎車為南道師古曰波

河循河也鄯音上扇反傍音步浪反波音彼義反此下皆同也南道西踰葱嶺則出

大月氏安息師古曰氏音支自車師前王庭隨北山波河西

行至疏勒為北道北道西踰葱嶺則出大宛康居奄

蔡焉耆西域諸國大率土著師古曰言著土地而有常居不隨畜牧移徙也

著音直略反有城郭田畜與匈奴烏孫異俗故皆役屬匈

奴師古曰匈奴為其所役使也匈奴西邊日逐王置僮僕都尉

使領西域常居焉耆危須尉黎間賦稅諸國取富給

焉師古曰給足也自周衰戎狄錯居涇渭之北師古曰錯雜也及秦

始皇攘卻戎狄築長城界中國師古曰國之境界也然西不

過臨洮

師古曰洮音土高反

漢興至于孝武事征四夷廣威德

而張騫始開西域之迹其後票騎將軍擊破匈奴右

地降渾邪休屠王

師古曰屠音除

遂空其地始築令居以西

師古曰

令音鈴

宋祁曰集韻云令居縣名在金城郡

初置酒泉郡後稍發

徙民克實之分置武威張掖敦煌

師古曰

音徒門反列四郡

據兩關焉自貳師將軍伐大宛之後西域震懼多遣

使來貢獻漢使西域者益得職

師古曰

勞皆得拜賞其勤也於是

自敦煌西至鹽澤往往起亭而輪臺渠犂皆有田卒

數百人

置使者校尉領護

師古曰

護營田之事也

以給使外

國者

師古曰

種五穀以供之所

至宣帝時遣衛司馬使護鄯善

師古曰

雖破其

分以爲

以西數國及破姑師未盡殄

師古曰

雖破其

分以爲

車師前後王及山北六國時漢獨護南道未能盡并

北道也然匈奴不自安矣其後日逐王畔單于將衆

前

漢

書

卷九十六上

列傳

二

中華書局聚

來降護鄯善以西使者鄭吉迎之既至漢封日逐王

爲歸德侯吉爲安遠侯是歲神爵三年也乃因使吉

并護北道故號曰都護都護之起自吉置矣師古曰都猶總

也言總護南北之道僮僕都尉由此罷匈奴益弱不得近西域

於是徙屯田於北胥鞬師古曰胥鞬地名也胥披音先餘反鞬音居言反

莎車之地師古曰披分也屯田校尉始屬都護都護督察烏

孫康居諸外國師古曰督視也動靜有變以聞可安輯安輯

之可擊擊之師古曰與集同都護治烏壘城○宋祁曰烏壘下監本有

孫字去陽關二千七百三十八里與渠犂田官相近土

地肥饒於西域爲中故都護治焉至元帝時復置戊

己校尉屯田車師前王庭是時匈奴東蒲類王茲力

支將人衆千七百餘人降都護都護分車師後王之

西爲烏貪訾離地以處之自宣元後單于稱藩臣西

域服從其土地山川王侯戶數道里遠近翔實矣師古

曰翔與詳同
假借用耳

出陽關自近者始曰燔羌孟康曰燔音兒師燔羌國

王號去胡來王師古曰言去離也去陽關千八百里宋○

祁曰越本去長安六千三百里辟在西南不當孔道

師古曰辟讀曰僻孔道者穿山險而為道猶今言穴徑耳戶四百五十口千七百

五十勝兵者五百人西與且末接師古曰且餘反隨畜逐

水草不田作仰鄯善且末穀也師古曰賴以自給山有

鐵自作兵兵有弓矛服刀劍甲劉德曰服刀拍髀也

俾又音陞西北至鄯善乃當道云

鄯善國本名樓蘭王治扞泥城師古曰扞去陽關千

六百里去長安六千一百里戶千五百七十口萬四

千一百勝兵二千九百十二人輔國侯卻胡侯師古曰卻

音丘略反其字從口音節下皆類此鄯善都尉擊車師都尉左右且

渠擊車師君各一人譯長二人西北去都護治所千

七百八十五里至山國千三百六十五里師古曰此國山居故

名山西北至車師千八百九十里地沙鹵少田寄田

仰穀旁國師古曰寄於它國種田又國出玉多葭

葦檉柳胡桐白草孟康曰白草草之白者胡桐似桑而多曲師古曰檉柳河柳也今謂

之赤檉白草似莠而細無芒其乾熟時正白色牛馬

所嗜也胡桐亦似桐而細無桑也蟲食其樹而沫出下

流者俗名為胡桐淚言似眼淚也可以汗金銀也今

工匠皆用之流俗語訛呼淚為律檉音丑成反○宋

字別曰注文工匠民隨畜牧逐水草有驢馬多橐它師古

音他字也能作兵與媼羌同初武帝感張騫之言甘

心欲通大宛諸國使者相望於道一歲中多至十餘
輦樓蘭姑師當道苦之師古曰每供給使者攻劫漢
使王恢等又數為匈奴耳目令其兵遮漢使漢使多

言其國有城邑兵弱易擊於是武帝遣從票侯趙破
奴將屬國騎及郡兵數萬擊姑師師古曰屬國謂王
諸外國屬漢也

恢數爲樓蘭所苦上令恢佐破奴將兵破奴與輕騎

七百人先至虜樓蘭王遂破姑師因暴兵威以動烏

孫大宛之屬師古曰暴謂顯揚也還封破奴爲浞野侯恢爲浩

侯蘇林曰浩音昊於是漢列亭障至玉門矣樓蘭旣降服貢

獻匈奴聞發兵擊之於是樓蘭遣一子質匈奴一子

質漢後貳師軍擊大宛匈奴欲遮之貳師兵盛不敢

當卽遣騎因樓蘭候漢使後過者欲絕勿通時漢軍

正任文將兵屯玉門關爲貳師後距師古曰後距者
居後以距敵

捕得生口知狀以聞上詔文便道引兵捕樓蘭王將

詣闕簿責王師古曰以文簿責之簿音步戶反對曰小國在大國

間不兩屬無以自安願徙國入居漢地上直其言遣

歸國師古曰以其言爲直亦因使候伺匈奴匈奴自是不甚親

信樓蘭征和元年樓蘭王死國人來請質子在漢者

欲立之質子常坐漢法下蠶室宮刑故不遣報曰侍

子天子愛之不能遣其更立其次當立者樓蘭更立

王漢復責其質子亦遣一子質匈奴後王又死匈奴

先聞之遣質子歸得立爲王師古曰匈奴在漢前聞樓蘭王死故卽遣質子

也還漢遣使詔新王令入朝天子將加厚賞樓蘭王後

妻故繼母也謂王曰先王遣兩子質漢皆不還奈何

欲往朝乎王用其計謝使曰新立國未定願待後年

入見天子然樓蘭國最在東垂近漢當白龍堆乏水

草常主發導負水儋糧送迎漢使又數爲吏卒所寇

懲艾不便與漢通師古曰艾後復爲匈奴反間師古曰間

竟音居反數遮殺漢使其弟尉屠耆降漢具言狀元鳳四

年大將軍霍光白遣平樂監傅介子往刺其王介子輕將勇敢士齎金幣揚言以賜外國為名既至樓蘭詐其王欲賜之王喜與介子飲醉將其王屏語壯士二人從後刺殺之貴人左右皆散走介子告諭以王負漢罪天子遣我誅王當更立王弟尉屠耆在漢者

漢兵方至毋敢動自令滅國矣介子遂斬王嘗歸首

師古曰嘗歸者其王名也昭紀言安馳傳詣闕師古歸今此作嘗歸紀傳不同當有誤者

王更名其國為鄯善為刻印章賜以宮女為夫人備

車騎輜重師古曰重音直用反丞相將軍率百官送至橫門外

丞相將祖而遣之師古曰為設王自請天子曰身

在漢久今歸單弱而前王有子在恐為所殺國中有

孟康曰橫音光○宋祁曰淳化本作丞相將軍字今越本景德監本及浙本作丞相率百官無將軍字今越本

作丞相將祖而遣之師古曰為設

軍率百官

伊循城其地肥美願漢遣一將屯田積穀令臣得依其威重於是漢遣司馬一人吏士四十人田伊循以填撫之師古曰填音竹刃反其後更置都尉伊循官置始此矣鄯善當漢道衝西通且末七百二十里自且末以往皆種五穀土地草木畜產作兵略與漢同有異乃記云

且末國王治且末城去長安六千八百二十里戶二百三十口千六百一十勝兵三百二十人輔國侯左右將譯長各一人西北至都護治所二千二百五十八里北接尉犁南至小宛可三日行有蒲陶諸果西通精絕二千里

小宛國王治扞零城師古曰扞音鳥去長安七千二百一十里戶百五十口千五十勝兵二百人輔國侯左右都

尉各一人西北至都護治所二千五百五十八里東與婼羌接辟南不當道

師古曰辟讀曰僻下皆類此

精絕國王治精絕城去長安八千八百二十里戶四百八十口三千三百六十勝兵五百人精絕都尉左右將譯長各一人北至都護治所二千七百二十三里南至戎盧國四日行地阨陁西通扞彌四百六十里

師古曰扞音烏

戎盧國王治卑品城去長安八千三百里戶二百四十口千六百一十勝兵三百人東北至都護治所二千八百五十八里東與小宛南與婼羌西與渠勒接辟南不當道

扞彌國王治扞彌城去長安九千二百八十里戶三千三百四十口二萬四十勝兵三千五百四十人輔

國侯左右將左右都尉左右騎君各一人譯長二人

東北至都護治所三千五百五十三里南與渠勒東

北與龜茲西北與姑墨接

師古曰龜音丘茲音慈

西通于闐三

百九十里今名寧彌

渠勒國王治犍都城

師古曰犍音居言反

去長安九千九百五

十里戶三百一十口二千一百七十勝兵三百人東

北至都護治所三千八百五十二里東與戎盧西與

婼羌北與扞彌接

于闐國王治西城去長安九千六百七十里戶三千

三百口萬九千三百勝兵二千四百人輔國侯左右

將左右騎君東西城長譯長各一人東北至都護治

所三千九百四十七里南與婼羌接北與姑墨接于

闐之西水皆西流注西海其東水東流注鹽澤河原

出焉蘇林曰卽中國河也多玉石師古曰玉之璞也西通皮山

三百八十里

皮山國王治皮山城去長安萬五十里戶五百口三

千五百勝兵五百人左右將左右都尉騎君譯長各

一人東北至都護治所四千二百九十二里西南至

烏秣國千三百四十里鄭氏曰烏音一烏秣音直加反急

言非正音也南與天篤接北至姑墨千四百五十

里西南當罽賓烏弋山離道西北通莎車三百八十

里

烏秣國王治烏秣城○劉敞曰秣當作耗去長安九千九百五

十里戶四百九十口二千七百三十三勝兵七百四

十人東北至都護治所四千八百九十二里北與子

合蒲犂西與難兜接山居田石間有白草累石爲室

民接手飲師古曰自高山下谿澗中飲出小步馬孟康

曰種小能步也師古曰此說非也小細也細步言其能蹀足即今所謂百步千跡者也豈謂其小種乎

有驢無牛其西則有縣度也師古曰縣繩而度去陽關

五千八百八十八里去都護治所五千二十里縣度

者石山也谿谷不通以繩索相引而度云

西夜國王號子合王治呼犍谷師古曰犍音鉅言反去長安萬

二百五十里戶三百五十口四千勝兵千人東北到

都護治所五千四十六里東與皮山西南與烏秣北

與莎車西與蒲犁接蒲犁及依耐無雷國師古曰耐音奴代反

皆西夜類也西夜與胡異其種類羌氏行國師古曰言不土

也著隨畜逐水草往來而子合土地出玉石

蒲犁國王治蒲犁谷去長安九千五百五十里戶六

百五十口五千勝兵二千人東北至都護治所五千

三百九十六里東至莎車五百四十里北至疏勒五百五十里南與西夜子合接西至無雷五百四十里侯都尉各一人寄田莎車種俗與子合同

依耐國王治去長安萬一百五十里戶一百二十五千六百七十勝兵三百五十人東北至都護治所二千七百三十里至莎車五百四十里至無雷五百四十里北至疏勒六百五十里南與子合接俗相與同

師古曰與子合同風俗也

少穀寄田疏勒莎車

無雷國王治盧城去長安九千九百五十里戶千口七千勝兵三千人東北至都護治所二千四百六十五里南至蒲犁五百四十里南與烏秣北與捐毒西與大月氏接

師古曰捐毒即身毒天篤一名語有輕重耳

衣服類烏孫

俗與子合同